



CONCURSO DE CARTEIS “XXVI FESTIVAL DE BANDAS DE MÚSICA DE GALICIA”

O Concello de Vila de Cruces convoca o XXVI Concurso de Carteis “XXVI Festival de Bandas de Música de Galicia (Vila de Cruces)”.

BASES:

1ª- Poderán optar ó premio tódolos/as alumnos/as dos colexios e o I.E.S. de Vila de Cruces. Os carteis deberán ser elaborados integramente polos alumnos/as, deberán ser realizados manualmente e non se admitirán deseños feitos por ordenador.

2ª- Tema: XXVI Festival de Bandas de Música de Galicia (Vila de Cruces).

Técnica: libre.

Tamaño: imprescindible tamaño cartulina ou A3 orientada como amosa o debuxo:

3ª- Os carteis entregaranse na Oficina Municipal de Información Xuvenil do Concello de Vila de Cruces ou no respectivo centro educativo ata o día **29 de abril de 2019** de luns a venres en horario de 7:30 a 14:30 horas.

4ª- Os carteis presentados deberán ir asinados co nome do autor, figurando na parte de atrás o nome completo do autor, idade, enderezo, número de teléfono e Centro ó que pertence.

5ª- Os premios serán os seguintes:

1º premio cartel gañador: 99 euros

4 accésits de 65 euros cada un ó mellor cartel de cada colexio.

Crédito existente na aplicación orzamentaria: 338.48.

6ª- Os carteis premiados quedarán no poder do Concello de Vila de Cruces e pasarán a formar parte do patrimonio do mesmo, podendo reproducilos e difundilos con enteira liberdade. O cartel gañador será o que se empregue para realizar a publicidade do Festival.

Imponse aos participantes a cesión gratuita dos dereitos de explotación nos termos previstos no artigo 48 e seguintes do Texto Refundido da Lei de Propiedade Intelectual, reservándose o Concello de Vila de Cruces o dereito a utilizar os traballos premiados en futuras edicións ou actividades con fins promocionais.

Concello de Vila de Cruces

Praza D. Juan Carlos I, Vila de Cruces. 36590 (Pontevedra). Tfno. 986582017. Fax: 986582492



7ª- Os premios decidiranse por un xurado composto por: Carmen Lareo Morao (integrante dunha entidade cultural do Concello), Álvaro Lodeiro Novo (integrante dunha banda de música e da Escola de Música), Francisco Fernández Pérez (integrante dunha banda de música e da Escola de Música), Laura Rey Conde (membro da corporación municipal) que actuará como Presidenta e Mónica Rodríguez Casal (traballadora do Concello) que efectuará as funcións de secretaria.

O xurado valorará a creatividade, a orixinalidade, a facilidade de indentificar o cartel co Festival de Bandas e a calidade artística, tendo en conta a idade dos participantes.

8ª- A decisión do xurado será inapelable e os concursantes polo feito de concursar aceptarán integramente as presentes bases.

O xurado poderá declarar deserto un ou máis premios no caso de considerar que ningún dos traballos presentados reúnan os méritos suficientes para ser premiados.

A decisión do xurado será publicada no taboleiro de edictos do concello.

O xurado elevará ao órgano municipal competente a proposta de premios que corresponda otorgar.

O prazo de resolución e notificación será de 1 mes contado a partir do remate do prazo de presentación de solicitudes.

Toda alteración das condicións tidas en conta para a concesión do premio poderá dar lugar á modificación da resolución de concesión.

A resolución recaída neste procedemento pon fin á vía administrativa e contra ela poderá interpoñerse recurso potestativo de reposición, no prazo dun mes contado a partir do día seguinte á notificación da resolución ante o mesmo órgano que a dictou ou ser impugnada directamente ante a orde xurisdiccional contencioso-administrativa, no prazo de dous meses, contados a partir do día seguinte ao da notificación da resolución.

9ª.- O pagamento dos premios realizarase unha vez que os premiados presenten no rexistro do Concello, no prazo de 10 días hábiles contados dende o seguinte ao da publicación no taboleiro de anuncios da concesión do premio, a seguinte documentación:

- Solicitud de pagamento do premio
- Certificación do número de conta bancaria.

No caso de que o premiado sexa menor de idade o premio será pagado ao pai/nai ou titor para o cal deberán presentar ademáis a seguinte documentación:

- DNI do pai/nai ou titor
- Libro de familia ou documento que acredite o nomeamento de titor.

Concello de Vila de Cruces



O día 9 de xuño de 2019 na Praza Juan Carlos I de Vila de Cruces, coincidindo coa celebración do Festival de Bandas, farase entrega aos premiados dun diploma acreditativo.

10^a- A convocatoria e as súas bases publicaranse no taboleiro de edictos do Concello sen perxuízo da publicidade que se realice nos centros educativos.

Publicarase extracto da convocatoria no BOP da provincia de Pontevedra a través da Bases de Datos Nacional de Subvencións.

DOCUMENTO ASINADO ELECTRONICAMENTE Á MARXE